

ქალაქ რუსთავის მუნიციპალიტეტის საკრებულოს
დადგენილება №55

2018 წლის 20 ივლისი

ქ. რუსთავი

ქალაქ რუსთავის მუნიციპალიტეტის ადმინისტრაციულ საზღვრებში M3 კატეგორიის ავტობუსით ადგილობრივი საქალაქო რეგულარული სამგზავრო გადაყვანის ტარიფის განსაზღვრისა და შპს „რუსთავის მუნიციპალური ავტოტრანსპორტისათვის“ ნაწილობრივი სუბსიდირების მიზნით თანხის გამოყოფის შესახებ

საქართველოს ორგანული კანონის „ადგილობრივი თვითმმართველობის კოდექსი“ 24-ე მუხლის მე-2 პუნქტის, „კონკურენციის შესახებ“ საქართველოს კანონის მე-3 მუხლის „რ“ პუნქტის, „ეკონომიკის რეგულირებადი სფეროების განსაზღვრის შესახებ“ საქართველოს მთავრობის 2014 წლის 5 დეკემბრის №667 დადგენილების 1-ლი მუხლის „ა“ პუნქტისა და ამავე დადგენილების მე-2 მუხლის შესაბამისად, ქალაქ რუსთავის მუნიციპალიტეტის საკრებულო ადგენს:

მუხლი 1

ქალაქ რუსთავის მუნიციპალიტეტის ადმინისტრაციულ საზღვრებში M3 კატეგორიის ავტობუსით ადგილობრივი საქალაქო რეგულარული სამგზავრო გადაყვანის ტარიფი განისაზღვროს 0,50 ლარის ოდენობით.

ქალაქ რუსთავის მუნიციპალიტეტის საკრებულოს 2021 წლის 8 თებერვლის დადგენილება №236 - ვებგვერდი, 09.02.2021წ.

მუხლი 2

ქალაქ რუსთავის მუნიციპალიტეტის ადგილობრივი საქალაქო რეგულარული სამგზავრო გადაყვანის (M3 კატეგორია) შეუფერხებლად უზრუნველყოფის მიზნით მიეცეს მუნიციპალიტეტს უფლება განხორციელოს შპს „რუსთავის მუნიციპალური ავტოტრანსპორტის საწარმოს“ ნაწილობრივი სუბსიდირება.

ქალაქ რუსთავის მუნიციპალიტეტის საკრებულოს 2021 წლის 8 თებერვლის დადგენილება №236 - ვებგვერდი, 09.02.2021წ.

მუხლი 3

დადგენილების პირველი მუხლით გათვალისწინებული ტარიფიდან უფასო ან/და შეღავათიანი ტარიფით მგზავრობა ხორციელდება „ქალაქ რუსთავის მუნიციპალიტეტის ბიუჯეტით გათვალისწინებული „შეღავათები მუნიციპალურ ტრანსპორტზე“ ქვეპროგრამის განხორციელების წესის დამტკიცების შესახებ“ ქალაქ რუსთავის მუნიციპალიტეტის საკრებულოს 2018 წლის 24 დეკემბრის №87 დადგენილების შესაბამისად.

ქალაქ რუსთავის მუნიციპალიტეტის საკრებულოს 2021 წლის 8 თებერვლის დადგენილება №236 - ვებგვერდი, 09.02.2021წ.

მუხლი 4

დადგენილება ამოქმედდეს გამოქვეყნებისთანავე.

ქალაქ რუსთავის მუნიციპალიტეტის
საკრებულოს თავმჯდომარე

ლევანი ონიანი



ქალაქ რუსთავის მუნიციპალიტეტის საკრებულოს
დადგენილება №87

2018 წლის 24 დეკემბერი

ქ. რუსთავი

ქალაქ რუსთავის მუნიციპალიტეტის ბიუჯეტით გათვალისწინებული „შელავათები მუნიციპალურ ტრანსპორტზე“ ქვეპროგრამის განხორციელების წესის დამტკიცების შესახებ
„საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-3 და მე-4 პუნქტის, 24-ე მუხლის მე-2 პუნქტის, 61-ე მუხლის მე-2 პუნქტის, ნორმატიული აქტების შესახებ საქართველოს კანონის 25-ე მუხლის 1-ლი პუნქტის „ბ“ ქვეპუნქტის შესაბამისად, ქალაქ რუსთავის მუნიციპალიტეტის საკრებულო ადგენს:

მუხლი 1

დამტკიცდეს „შელავათები მუნიციპალურ ტრანსპორტზე“ ქვეპროგრამის (კოდი: 06 02 04) განხორციელების წესი დანართი №1-ის შესაბამისად.

მუხლი 2

ძალადაკარგულად გამოცხადდეს „ქალაქ რუსთავის მუნიციპალიტეტის ბიუჯეტით გათვალისწინებული „შელავათები მუნიციპალურ ტრანსპორტზე“ ქვეპროგრამის განხორციელების წესის დამტკიცების შესახებ“ ქალაქ რუსთავის მუნიციპალიტეტის საკრებულოს 2018 წლის 13 ივნისის №50 დადგენილება (www.matsne.gov.ge; 18/06.2018; სარეგისტრაციო კოდი 010250050.35.160.016486).

მუხლი 3

დადგენილება ამოქმედდეს 2019 წლის პირველი იანვრიდან.

ქალაქ რუსთავის მუნიციპალიტეტის
საკრებულოს თავმჯდომარე

ლევანი ონიანი

დანართი №1

„შელავათები მუნიციპალურ ტრანსპორტზე“ ქვეპროგრამის განხორციელების წესი

მუხლი 1. ზოგადი დებულებანი

1. „შელავათები მუნიციპალურ ტრანსპორტზე“ ქვეპროგრამის (კოდი: 06 02 04) განხორციელების წესი (შემდგომში – წესი) განსაზღვრავს ქალაქ რუსთავის მუნიციპალიტეტის ბიუჯეტით გათვალისწინებული ქვეპროგრამის „შელავათები მუნიციპალურ ტრანსპორტზე“ (კოდი: 06 02 04) განხორციელების პირობებს და პროცედურებს.

2. ქვეპროგრამის განმახორციელებელია ქალაქ რუსთავის მუნიციპალიტეტის მერიის ჯანმრთელობის დაცვისა და სოციალური მხარდაჭერის სამსახური.

ქალაქ რუსთავის მუნიციპალიტეტის საკრებულოს 2020 წლის 30 ივნისის დადგენილება №205 - ვებგვერდი, 01.07.2020წ.

მუხლი 2. ქვეპროგრამის მოსარგებლები

1. ქვეპროგრამით მოსარგებლე პირებს წარმოადგენენ:

- ა) სოციალურად დაუცველი ოჯახების მონაცემთა ერთიან ბაზაში რეგისტრირებული ოჯახები, რომელთა სარეიტინგო ქულა არ აღემატება 150 000-ს;
- ბ) მკვეთრად გამოხატული შეზღუდული შესაძლებლობების მქონე პირები და მნიშვნელოვნად გამოხატული სმენა დაქვეითებული და უსინათლო პირები;
- ბ¹) ზომიერად და მნიშვნელოვნად გამოხატული შეზღუდული შესაძლებლობის მქონე პირები, გარდა ამ მუხლის პირველი პუნქტის „ბ“ ქვეპუნქტით გათვალისწინებული პირებისა;



- გ) სსიპ – „ვეტერანების საქმეთა სახელმწიფო სამსახურის“ მიერ მოწოდებულ ვეტერანთა სიაში რეგისტრირებული და შესაბამისი უწყების მიერ გაცემული ვეტერანის მოწმობის (სტატუსი) ან/და მასთან გათანაბრებული დოკუმენტის მქონე პირები;
- დ) რუსთავის ადმინისტრაციულ საზღვრებში განლაგებული ზოგადსაგანმანათლებლო დაწესებულებების მოსწავლეები;
- ე) რუსთავის ადმინისტრაციულ საზღვრებში განლაგებული შემდეგი დაწესებულებების თანამშრომელი(ებ)ლი:
- ე.ა) რუსთავში რეგისტრირებული ზოგადსაგანმანათლებლო დაწესებულებები;
- ე.ბ) ა(ა)იპ – „ქალაქ რუსთავის საბავშვო ბაგა-ბაღების გაერთიანება“;
- ე.გ) ა(ა)იპ – რუსთავის საბიბლიოთეკო გაერთიანება „ილია ჭავჭავაძის სახელობის მთავარი ბიბლიოთეკა“;
- ე.დ) ა(ა)იპ – „გიგა ლორთქიფანიძის სახელობის რუსთავის მუნიციპალური თეატრი“;
- ე.ე) ა(ა)იპ „რუსთავის ისტორიულ მუზეუმი“;
- ე.ვ) ა(ა)იპ „ქალაქ რუსთავის სახელოვნებო, სპორტისა და ახალგაზრდობის განვითარების ცენტრი“;
- ე.ზ) ა(ა)იპ „შეზღუდული შესაძლებლობების მქონე პირთა ცენტრი“;
- ე.თ) ა(ა)იპ „რუსთავსერვის ცენტრი“;
- ე.ი) ა(ა)იპ „საზოგადოებრივი ჯანმრთელობისა და უსაფრთხო გარემოს უზრუნველყოფის ცენტრი“;
- ე.კ) ა(ა)იპ „რუსთავის წმინდა აკაკი მორჩილის სახელობის მოხუცებულთა სახლი“.
- ვ) უმაღლესი საგანმანათლებლო დაწესებულებების სტუდენტები და ავტორიზებული პროფესიული საგანმანათლებლო პროგრამის განმახორციელებელი საგანმანათლებლო დაწესებულებების პროფესიული სტუდენტები;
- ზ) რუსთავში რეგისტრირებული „სახელმწიფო პენსიის შესახებ“ საქართველოს კანონით განსაზღვრული პენსიონერები;

თ) მრავალშვილიანი მშობელი ოთხი და მეტი შვილით;

ი) მარტოხელა მშობელი;

კ) ქალაქ რუსთავის მუნიციპალიტეტის საპატიო წოდების მქონე პირები.

2. ქვეპროგრამით გათვალისწინებული მომსახურების მისაღებად პირი რეგისტრირებული და მცხოვრები უნდა იყოს ქალაქ რუსთავში არანაკლებ 2 (ორი) წლის განმავლობაში, უწყვეტად (წყვეტის შემთხვევაში რეგისტრაცია არ უნდა ფიქსირდებოდეს ქალაქ რუსთავის მუნიციპალიტეტის ადმინისტრაციულ საზღვრებს გარეთ), გარდა იძულებით გადაადგილებული პირებისა, რომელთაც დევნილის სტატუსის დამადასტურებელი დოკუმენტის მიხედვით, რეგისტრაციის მისამართად უფიქსირდებათ – ქალაქი რუსთავი.

ქალაქ რუსთავის მუნიციპალიტეტის საკრებულოს 2019 წლის 20 დეკემბრის დადგენილება №164 - ვებგვერდი, 24.12.2019წ.

ქალაქ რუსთავის მუნიციპალიტეტის საკრებულოს 2020 წლის 25 დეკემბრის დადგენილება №228 - ვებგვერდი, 25.12.2020წ.

ქალაქ რუსთავის მუნიციპალიტეტის საკრებულოს 2021 წლის 8 თებერვლის დადგენილება №237 - ვებგვერდი, 09.02.2021წ.

ქალაქ რუსთავის მუნიციპალიტეტის საკრებულოს 2021 წლის 24 მარტის დადგენილება №245 - ვებგვერდი, 25.03.2021წ.

მუხლი 3. ქვეპროგრამით გათვალისწინებული დახმარების მოცულობა

1. ქვეპროგრამით მოსარგებლებს მუნიციპალური ტრანსპორტით მგზავრობა აუნაზღაურდება შემდეგი სახით:

ა) ამ წესის მე-2 მუხლის პირველი პუნქტის „ა“, „ბ¹“, „დ“, „თ“ და „ი“ ქვეპუნქტებით გათვალისწინებულ პირებს 0.40 ლარის ოდენობით.

ბ) ამ წესის მე-2 მუხლის პირველი პუნქტის „ბ“ და „გ“ ქვეპუნქტებით გათვალისწინებულ პირებს 0.50 ლარის ოდენობით.

გ) ამ წესის მე-2 მუხლის პირველი პუნქტის „ე“, „ვ“ „ზ“ და „კ“ ქვეპუნქტებით გათვალისწინებულ პირებს 0.30 ლარის ოდენობით.

2. პირები, რომლებიც მიეკუთვნებიან ამ მუხლის 1-ლი პუნქტით განსაზღვრულ ერთზე მეტ კატეგორიას, ისარგებლებენ მხოლოდ ერთი კატეგორიისთვის განსაზღვრული შეღავათით.

ქალაქ რუსთავის მუნიციპალიტეტის საკრებულოს 2020 წლის 25 დეკემბრის დადგენილება №228 - ვებგვერდი, 25.12.2020წ.

ქალაქ რუსთავის მუნიციპალიტეტის საკრებულოს 2021 წლის 8 თებერვლის დადგენილება №237 - ვებგვერდი, 09.02.2021წ.

ქალაქ რუსთავის მუნიციპალიტეტის საკრებულოს 2021 წლის 24 მარტის დადგენილება №245 - ვებგვერდი, 25.03.2021წ.

მუხლი 4.

1. ქვეპროგრამით მოსარგებლე პირების ბაზა ფორმირდება ქალაქ რუსთავის მუნიციპალიტეტის მერიის ჯანმრთელობის დაცვისა და სოციალური მხარდაჭერის სამსახურის მიერ მოსარგებლე პირების ქვეპროგრამით გათვალისწინებულ მოთხოვნებთან შესაბამისობის დადგენის საფუძველზე.



2. ამ წესის მე-2 მუხლის პირველი პუნქტით განსაზღვრულ მოსარგებლე პირების მონაცემთა ბაზის განახლების მიზნით, ყოველთვიურად, ქვეპროგრამის განმახორციელებლისთვის შესაბამისი ინფორმაციის მიწოდების უზრუნველყოფა ეთხოვით საქართველოს იუსტიციის სამინისტროს სსიპ "სახელმწიფო სერვისების განვითარების სააგენტოს" და შემდეგ სუბიექტებს:

მე-2 მუხლის:

ა) პირველი პუნქტის „ა“, „ბ“, „ბ¹“ და „ზ“ ქვეპუნქტებით დადგენილი კატეგორიების მქონე პირებთან დაკავშირებით – საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს სსიპ „სოციალური მომსახურების სააგენტოს“;

ბ) პირველი პუნქტის „გ“ ქვეპუნქტებით დადგენილი კატეგორიების მქონე პირებთან დაკავშირებით – საჯარო სამართლის იურიდიულ პირს – ვეტერანების საქმეთა სახელმწიფო სამსახურს;

გ) პირველი პუნქტის „დ“, „ე“ და „ვ“ ქვეპუნქტით დადგენილი კატეგორიის მქონე პირებთან დაკავშირებით – სსიპ – ქალაქ რუსთავის საგანმანათლებლო რესურსცენტრის ხელმძღვანელს, ა(ა)იპ – ქალაქ რუსთავის საბავშვო ბაგა-ბაღების გაერთიანების“ დირექტორს, ა(ა)იპ – რუსთავის საბიბლიოთეკო გაერთიანება „ილია ჭავჭავაძის სახელობის მთავარი ბიბლიოთეკის“ დირექტორს, ა(ა)იპ – გიგა ლორთქიფანიძის სახელობის რუსთავის მუნიციპალური თეატრის“ ხელმძღვანელს, ა(ა)იპ „რუსთავის ისტორიულ მუზეუმის“ დირექტორს, ა(ა)იპ „ქალაქ რუსთავის სახელოვნებო, სპორტისა და ახალგაზრდობის განვითარების ცენტრის“ დირექტორს, ა(ა)იპ „შეზღუდული შესაძლებლობების მქონე პირთა ცენტრის“ დირექტორს, ა(ა)იპ „რუსთავსერვის ცენტრის“ დირექტორს, ა(ა)იპ – „საზოგადოებრივი ჯანმრთელობისა და უსაფრთხო გარემოს უზრუნველყოფის ცენტრის“ დირექტორს, ა(ა)იპ „რუსთავის წმინდა აკაკი მორჩილის სახელობის მოხუცებულთა სახლის“ დირექტორს, მხოლოდ იმ პირების შესახებ, რომლებიც საჭიროებენ მუნიციპალური შიდასაქალაქო ტრანსპორტით გადაადგილებას;

დ) პირველი პუნქტის „ვ“ ქვეპუნქტით დადგენილი კატეგორიის მქონე პირებთან დაკავშირებით – ცნობა შესაბამისი უმაღლესი საგანმანათლებლო დაწესებულებებიდან ან/და ავტორიზებული პროფესიული საგანმანათლებლო პროგრამის განმახორციელებელი საგანმანათლებლო დაწესებულებებიდან წარმოდგენილი უნდა იქნეს უშუალოდ განმცხადებლის მიერ.

3. ამ წესის მე-2 მუხლის პირველი პუნქტით გათვალისწინებულმა პირებმა მუნიციპალურ ტრანსპორტზე შეღავათით სარგებლობის მიღების მიზნით ქალაქ რუსთავის მუნიციპალიტეტის მერიაში ან/და მუნიციპალიტეტის ადმინისტრაციულ ერთეულებში მდებარე მომსახურების ოფისებში უნდა წარმოადგინონ განცხადება ქალაქ რუსთავის მუნიციპალიტეტის მერის სახელზე და დაურთონ შემდეგი სახის დოკუმენტები:

ა) საქართველოს მოქალაქის პირადობის მოწმობის ასლი;

ბ) დევნილის სტატუსის დამადასტურებელი მოწმობის ასლი – იძულებით გადაადგილებული (დევნილი) პირებისთვის.

4. შეღავათიანი მგზავრობის ტარიფით მოსარგებლე მოქალაქეები მგზავრობენ პლასტიკური ბარათების გამოყენებით, რომელსაც ქალაქ რუსთავის მუნიციპალიტეტის მერიის ჯანმრთელობის დაცვისა და სოციალური მხარდაჭერის სამსახურის მიერ პროგრამით მოსარგებლე პირთა შესახებ მიწოდებული ინფორმაციის (მათ შორის პირის ფოტოსურათი), საფუძველზე ამზადებს უფლებამოსილი პირი (ბარათის გამცემი). მოქალაქე უფლებამოსილია შესაბამისი ბარათი მიიღოს ბარათის გამცემისგან, მუნიციპალიტეტიდან ან/და ფოსტის მეშვეობით რეგისტრაციის ადგილის მიხედვით. სამგზავრო პლასტიკურ ბარათზე დატანილი იქნება მისი მფლობელის სახელი, გვარი, პირადი ნომერი და ფოტოსურათი. იმ შემთხვევაში, თუ არ არის შერჩეული ბარათების გამცემი უფლებამოსილი პირი, ბარათების გადაცემას ახორციელებს – ქალაქ რუსთავის მუნიციპალიტეტის მერის მიერ უფლებამოსილი სხვა სუბიექტ(ებ)ი.

5. შპს „რუსთავის მუნიციპალური ავტოტრანსპორტის საწარმოს“ ქალაქ რუსთავის მუნიციპალიტეტის ადმინისტრაციულ საზღვრებში ეკონომიკის რეგულირებად სფეროებად განსაზღვრული ავტობუსებით (M3 კატეგორია) რეგულარული სამგზავრო გადაყვანისას უფასო და შეღავათიანი მგზავრობის



ტარიფით მოსარგებლე მოქალაქეთა მომსახურებას ახორციელებს ამ წესის მე-3 მუხლის შესაბამისად.

6. ამ მუხლის მე-4 პუნქტის შესაბამისად „ბარათის გამცემის“ მიერ გაცემული ბარათის დაზიანებისას ან დაკარგვისას, თუ ორივე შემთხვევაში წარმოიშვა ახალი ბარათის გაცემის აუცილებლობა, ბარათის აღდგენის თხოვნით „ბარათის გამცემს“ წერილობით მიმართავს ბარათის კანონიერი მფლობელი და ბარათის აღდგენისთვის მასვე ეკისრება „ბარათის გამცემის“ ანგარიშზე შესაბამისი თანხის გადახდა.

7. ამ წესის მე-2 მუხლის პირველი პუნქტით გათვალისწინებული მოქალაქის კუთვნილი ბარათის სხვა პირზე ნებისმიერი ფორმით გადაცემა, რასაც მოჰყვება არაუფლებამოსილი პირის მიერ ბარათით სამგზავრო ბილეთის აღება, ექვემდებარება სამართალდამრღვევი პირის კანონმდებლობის შესაბამისად დაჯარიმებას, ხოლო შპს „რუსთავის მუნიციპალური ავტოტრანსპორტის საწარმოს“ უფლებამოსილი პირი, თუ მას აქვს პორტატული ელექტრონული მოწყობილობა, დაუყოვნებლივ იღებს გადაწყვეტილებას ბარათის სამგზავრო ფუნქციის დაბლოკვის შესახებ ან უზრუნველყოფს უფლებამოსილი პირისთვის შესაბამისი ინფორმაციის მიწოდებას ბარათის სამგზავრო ფუნქციის დაბლოკვის მიზნით.

8. ამ მუხლის მე-7 პუნქტის საფუძველზე ბარათის სამგზავრო ფუნქციის დაბლოკვა ხორციელდება ერთი თვის ვადით. ხოლო იგივე ქმედების განმეორებით ჩადენა გამოიწვევს 3 თვის ვადით ბარათის სამგზავრო ფუნქციის დაბლოკვას. აღნიშნული ვადის გასვლის შემდეგ, ბარათი ექვემდებარება უფასო განბლოკვას.

9. ამ მუხლის მე-8 პუნქტით განსაზღვრული ვადის განმავლობაში, ამავე მუხლის მე-7 პუნქტით გათვალისწინებული პასუხისმგებლობის კანონმდებლობით დადგენილი წესით გაუქმების შემთხვევაში, შპს „რუსთავის მუნიციპალური ავტოტრანსპორტის საწარმოს“ უფლებამოსილი პირი, ან ქალაქ რუსთავის მუნიციპალიტეტის მერიის მიერ უფლებამოსილი პირი, ბარათის კანონიერი მფლობელის ან მისი კანონიერი წარმომადგენლის მიმართვისა და შესაბამისი დოკუმენტაციის წარდგენიდან არაუგვიანეს მეოთხე სამუშაო დღისა, უზრუნველყოფს ბარათის განბლოკვას და სამგზავრო ფუნქციის აღდგენას.

10. ამ წესის მე-2 მუხლის პირველი პუნქტით დადგენილი უფასო და შეღავათიანი მგზავრობის ტარიფით მოსარგებლე მოქალაქეთათვის ბარათის პირველადი გაცემა განხორციელდეს უფასოდ. პირზე, რომელსაც ამ დადგენილებების შესაბამისად ეკუთვნის რამდენიმე შეღავათი, გაიცემა მხოლოდ ერთი ბარათი, მისივე არჩევით.

11. ამ წესის თანახმად დადგენილი მონაცემების ქვეპროგრამის განმახორციელებლის მიერ გადამოწმების შემდეგ თუ მოსარგებლე აღარ აკმაყოფილებს ქვეპროგრამით დადგენილ კრიტერიუმებს მას უწყდება სოციალური დახმარება, აღნიშნულ ინფორმაციას ქვეპროგრამის განმახორციელებელი არაუგვიანეს 2 სამუშაო დღის ვადაში შეტყობინების სახით უგზავნის ბარათის დაბლოკვაზე უფლებამოსილ პირს (ბარათის გამცემს).

12. ბარათის დაბლოკვაზე უფლებამოსილი პირი (ბარათის გამცემი), ამ მუხლის მე-11 პუნქტის შესაბამისად, შეტყობინების მიღებისთანავე (მაგრამ არაუგვიანეს ორი სამუშაო დღისა), ვალდებულია დაბლოკოს ბარათი. წინააღმდეგ შემთხვევაში ბარათიდან წარმოშობილ ვალდებულებებზე პასუხისმგებლობა ეკისრება ბარათის დაბლოკვაზე უფლებამოსილ პირს (ბარათის გამცემს), საქართველოს ნორმატიული აქტებით დადგენილი წესით.

13. განცხადების წარდგენიდან არაუგვიანეს 10 სამუშაო დღისა გაიცემა ბარათი ან დასაბუთებული უარი ბარათის გაცემაზე.

14. სამგზავრო გადაყვანის მომსახურების ინტეგრირებულ სისტემაში ჩართული M3 კატეგორიის ავტობუსებით რეგულარული სამგზავრო გადაყვანის შემთხვევაში, შპს „რუსთავის მუნიციპალური ავტოტრანსპორტის საწარმო“, ყოველი თვის დამთავრებიდან არაუგვიანეს მომდევნო თვის 15 რიცხვისა, ქვეპროგრამის განმახორციელებელს წარუდგინოს ინფორმაცია ამ წესის მე-2 მუხლის პირველი პუნქტითა და მე-3 მუხლის პირველი პუნქტით გათვალისწინებული კატეგორიების მიხედვით უფასო ან/და შეღავათიანი მგზავრობის უფლებით მოსარგებლე სამგზავრო გადაყვანის მომსახურების ინტეგრირებულ სისტემაში ჩართული ავტობუსებით (M3 კატეგორია) ფაქტობრივად გადაყვანილ მგზავრთა რაოდენობის შესახებ.



ქალაქ რუსთავის მუნიციპალიტეტის საკრებულოს 2019 წლის 20 დეკემბრის დადგენილება №164 - ვებგვერდი, 24.12.2019წ.

ქალაქ რუსთავის მუნიციპალიტეტის საკრებულოს 2020 წლის 30 ივნისის დადგენილება №205 - ვებგვერდი, 01.07.2020წ.

ქალაქ რუსთავის მუნიციპალიტეტის საკრებულოს 2020 წლის 25 დეკემბრის დადგენილება №228 - ვებგვერდი, 25.12.2020წ.

ქალაქ რუსთავის მუნიციპალიტეტის საკრებულოს 2021 წლის 8 თებერვლის დადგენილება №237 - ვებგვერდი, 09.02.2021წ.

ქალაქ რუსთავის მუნიციპალიტეტის საკრებულოს 2021 წლის 24 თებერვლის დადგენილება №239 - ვებგვერდი, 25.02.2021წ.

ქალაქ რუსთავის მუნიციპალიტეტის საკრებულოს 2021 წლის 24 მარტის დადგენილება №245 - ვებგვერდი, 25.03.2021წ.

მუხლი 5. თანხების ანაზღაურება და ანგარიშსწორების წესი

1. ქვეპროგრამის დაფინანსებისთვის საჭირო თანხები გამოიყოფა ქალაქ რუსთავის მუნიციპალიტეტის ბიუჯეტით „შეღვათები მუნიციპალურ ტრანსპორტზე (პროგრამული კოდი 06 02 04) ქვეპროგრამით“ გათვალისწინებული ასიგნებებიდან.

2. ქვეპროგრამის განმახორციელებელი შპს „რუსთავის მუნიციპალური ავტოტრანსპორტის საწარმოს“ ადგენს მიღება-ჩაბარების აქტს ამ წესის მე-2 მუხლის პირველი პუნქტითა და მე-3 მუხლის პირველი პუნქტით გათვალისწინებული კატეგორიების მიხედვით უფასო ან/და შეღვათიანი მგზავრობის უფლებით მოსარგებლე სამგზავრო გადაყვანის მომსახურების ინტეგრირებულ სისტემაში ჩართული ავტობუსებით (M3 კატეგორია) ფაქტობრივად გადაყვანილ მგზავრთა რაოდენობის შესახებ.

3. მიღება-ჩაბარების აქტის საფუძველზე ქალაქ რუსთავის მუნიციპალიტეტის მერიის საფინანსო-საბიუჯეტო სამსახური ახორციელებს ანგარიშსწორებას მომსახურების მიმწოდებელთან.

ქალაქ რუსთავის მუნიციპალიტეტის საკრებულოს 2021 წლის 8 თებერვლის დადგენილება №237 - ვებგვერდი, 09.02.2021წ.

